


大唐六典

7 保 4
3.042
9



四保
册 3.072
卷 9

大序六典中書省集賢院史館國史館

御製

中書省

中書省二人

中書省二人

中書省二人



大唐六典中書省集賢院史館匭使卷第九

御撰

集賢院學士兵部尚書兼中書令修國史

上柱國開國公臣李林甫等奉 敕注上

中書省

中書令二人

中書侍郎二人

中書舍人六人

主書四人

主事四人

令史二十五人

書令史五十人

傳制十人

亭長十八人

掌固二十四人

修補制敕匠五十人

掌函掌案各二十人

右散騎常侍二人

右補闕二人

右拾遺二人

起居舍人二人

通事舍人十六人

集賢殿書院

學士

直學士

侍講學士

修撰官

校理官

中使一人

孔目官一人

知書官八人

書直及寫御官一百人

官當
作書

搨書手六人

畫直八人

裝書直十四人

造筆直四人

典四人

集賢殿學士

五字
剗出
可削

史館

史館
當
擡頭

史官

亭長二人

掌固六人

熟紙匠六人

匭使院

知匭使一人

判官一人

典二人

中書令二人正三品

周官內使使當掌王之八柄掌書王命蓋中

書之任也漢中書謁者令丞屬少府玉海引

本尚書也自武帝游宴後庭故用宦者主中

書司馬遷為中書令即其任也臣瓚曰漢初

中人有中謁者令孝武加中書置僕射漢舊

儀領贊尚書出入奏事秩千石弘恭石顯為

中尚書宣帝時任中書官恭為令顯為僕射

元帝即位顯代為令初元中前將軍蕭望之

領尚書事建白以為尚書百官之本國家樞

機武帝游宴後庭故用宦者非古制也宜罷

中書宦官不聽此今自武帝游宴後庭故

六典疑有脫文故表之

用宦者司馬遷被腐刑之後為中書令即其

任也不言謁者省文也宣帝時任中尚漢書無尚

字書官弘恭石顯皆宦者恭為令顯為僕射

元帝即位恭死顯代為中書令元帝以中人

無外黨遂委以政事事無大小皆因決白漢書

作白貴幸傾朝公卿已下畏之重足一迹成

帝改中書謁者令曰中謁者令罷中書宦官

更以士人為之漢舊儀云頒須當贊尚書出

入奏事秩千石後漢省獻帝時魏武為魏王

置秘書令典尚書奏事此又中書之任也魏

黃初通典晉志初改秘書令典尚書奏事宋

志及通典秘書令典為中書令又置監與令

各一人秩並千石以秘書左丞劉放為中書

監右丞孫資為中書令二人用事權自此重

矣魏置監右於令故孟康自中書令遷中書

監時以為美也魏中書典尚書奏事若密詔

下州郡及邊將則不由尚書晉氏監令並第

三品秩千石銅印墨綬進賢兩梁冠絳朝服
佩水蒼玉軺車監令掌贊詔命記會時事典
作文書舊尚書并掌詔奏既有中書官而詔
悉由中書官也故荀勗從中書監為尚書令
人賀之乃發恚曰奪我鳳凰池何賀之有東
晉朝更重其職多以諸公領之中興之後以
中一本中書九任并入散騎省後復置之宋
齊置監令品秩並同晉氏梁監增秩至中二

千石令秩增二千石監令並增闕疑當填至
二品後定十八班監班第十五令班第十四
批隋志并通陳氏監令品秩依梁中書參為
典四當作三二十一局各掌尚書諸曹總國機要而尚書
唯聽受而已後魏置監令各一人考文初定
命批後魏志中書監正第一品批後魏志正當
命當作令中書令正第二品中太和末監從第二品
中字中書令正第三品北齊依魏後周依周官春官府
令正第三品北齊依魏後周依周官春官府

置內史中大夫二人掌王言蓋比中書監令之任後又增為上大夫隋氏改中書省為內史省置內史省監令各一人尋廢監置令二人正第三品文帝廢三公府寮令中書令與侍中知政事遂為宰相之職煬帝十二年改為內書省武德初為內史省三年改為中書省龍朔二年改省為西臺令為右相咸亨元年復舊光宅二年改中書為鳳閣令為內史

神龍元年復舊開元元年改為紫微令五年復舊

中書令之職掌軍國之政令緝熙帝載統和天人入則告之出則奉之以釐萬邦以度百揆蓋以佐天子而執大政者也凡王言之制有七一曰冊書

立后建嫡封樹藩屏寵命尊賢臨軒備禮則用之

二曰制書

行大賞罰授大官爵釐革舊政赦宥降虜則用之

三曰慰勞制書

褒贊賢能勸勉勤勞則用之

四曰發日敕

舊唐志作發敕

謂後通鑑注引六

畫發日敕也增減官員廢

置州縣徵發兵馬除免官爵授六品以下官處

流已上罪用庫物五百段錢二百千倉糧五

百石奴婢二十人馬五十匹牛五十頭羊五

百口已上則用之

六品以下唐志作六品以上

五曰敕旨

謂百司承旨而為程式奏事請施行者

按唐志施

行下有則用之三字無者字

六曰論事敕書

慰諭公卿誡約臣下則用之

七曰敕牒

隨事承旨不易舊典則用之

皆宣署申覆而施行焉

尚書有典謨訓誥誓命之書皆帝王詔制記

于簡策者也蔡邕獨斷稱漢制天子之書一

曰策書二曰制書三曰詔書四曰戒敕獨斷

書策者以簡為之其制長三獨斷尺短者

半之其次一長一短兩編下附篆書題獨斷

起年月日稱皇帝曰以命諸侯王三公制書

帝者制度之命也其文曰制詔三公赦令贖

令之屬是也近道印付使遠道近道以下七

制書有印使符皆璽封尚書令即准獨斷

重封赦贖令召三公詣朝堂受制書司徒獨斷

徒下有印露布獨斷州郡詔書有三品

其文曰告某官某官某官某官獨斷作某官

如故事是為詔書羣臣有所奏請尚書令奏

下之有制詔天子答之曰可以為詔書

下之以下

十五字淵鑑類函引獨斷作之有制曰天子答之曰可若下某官云云亦曰詔書二十字

群臣有所奏請無尚書令奏制曰之字則答

曰已奏如書本官下所當至亦曰詔戒書戒

敕刺史太守及三邊營官被敕文曰有詔敕

某官是為戒敕自魏晉以後因循有冊書詔

敕總名曰詔皇朝因隋不改天后天授元年

以避諱改詔為制今冊書用簡制書勞慰制

書發日敕用黃麻紙敕旨論事敕及敕牒用

黃藤紙其敕書頒下諸州用絹

凡大祭祀羣神則從升壇以相礼享宗廟則從

升阼階親征纂嚴則使戒敕百寮冊命親賢臨

軒則使讀冊若命之于朝則宣而授之凡冊太

子則授璽綬舊唐志無綬字凡制詔宣傳文章獻納皆

授之於記事之官此下疑脫注文以舊唐志補之

武德貞觀故事以尚書省左右僕射各

一人及侍中中書令各二人為知政事官其時以他官預議國政者云而宰相叅議朝政或云平章國計或云專典機密或叅議政事貞觀十七年李勣為太子詹事特詔同知政事始謂同中書門下三品自是僕射常帶此稱自餘非兩省長官預知政事者亦皆以此為名永淳中始詔郭正一郭待舉魏玄同等為

中書門下同承受進旨平章事自天后已後兩省長官及同中書門下三品并平章事為宰相其僕射不帶同中書門下三品者但釐尚書省而已摠章二年東臺侍郎張文瓘西臺侍郎戴至德等始以同中書門下三品著之入銜自是相承至今永淳二年黃門侍郎劉齊賢知政事稱同中書門下平章事自後兩

省長官及他官執政未至侍中中書令者皆稱同中書門下平章事也

中書侍郎二人正四品上

按環濟要畧漢置中書掌密詔有令僕丞郎漢舊儀云置中書領尚書事掌匈奴營部一
郎民曹一即謁者一即魏黃初晉志并通典初下有初字
中書置監令又置通事郎次黃門郎即中書侍郎之任也魏志明帝詔舉中書郎謂盧毓

曰得人與否在盧生耳又司思直王魏志王基傳

司思直王當作司馬宣王辟王伯輿擢為中書侍郎則其

名起於魏氏晉令中書侍郎四人品第四給

五時朝服進賢一梁冠晉氏每一郎入直西

省專掌詔草更直省五日從駕則正直從次

直守東晉又改為通事郎尋復舊宋齊並同

晉氏梁功高者一人主直隋志直作省內事秩千

石班第九陳依梁後魏置四人初正第四品

上太和末從第四品上北齊因之後周依下依
當有周春官府置小內史下大夫二人蓋比
中書侍郎之任也隋初改為內史省侍郎置
四人正第四品下煬帝二年減二員十二年
改為內書侍郎皇朝改為內史侍郎武德三
年改為中書侍郎龍朔咸亨光宅神龍開元
並隨省改復

中書侍郎掌貳令之職凡邦國之庶務朝廷之

大政皆參議焉凡臨軒冊命大臣令為之使則
持冊書以授之

若自內冊則以冊書授使者冊后則奉琮璽
及綬冊太子則奉使使當皆按唐志皆以授
使者作璽當作綬

凡四夷來朝臨軒則授唐志授其表疏升于西
階而奏之若獻贄幣則受之以授於所司
中書舍人六人正五品上

魏氏中書置通事一人掌呈奏案草晉志無草宋志

作魏志云明帝時有通事劉泰是也高貴卿

公卿當正始中改為通事舍人尋又改為通

事當填以侍郎則猶兼侍郎之任也晉書百

官志云晉初中書舍人通事各一人一當

十至東晉合為一職謂之通事舍人專掌呈

奏後復省之而以侍郎兼其職晉令中書通

事舍人品第七絳朝服武冠宋初又置通事

舍人四人品亦同晉氏入直閣內出宣詔命

而侍郎之任輕矣齊武永關當填以立典

初中書通事舍人四人各住一省時謂之四

戶既總重權勢頌天下會熒惑入太微太史

奏宜修祈禳之礼太尉王儉謂之樞齊書之

曰天文乖忤此由四戶帝納之不能改也而

梁氏秩四百石品第關當填以八字梁用

人殊重簡以才能不限資地多以地官地當

兼領並入閣內專掌中書詔誥猶兼呈奏之
 事故裴子野以中書侍郎鴻臚卿常兼中書
 通事舍人別敕之闕之當作知闕詔誥自魏晉
 詔誥皆中書令及中書侍郎掌之至梁始舍
 人為之通典為其後除通事直曰中書舍人
 陳氏置五人餘同梁氏後魏第六品上史闕
 其員北齊置十人品同魏氏並掌詔誥後周
 春官府置小史上士二人此其任也隋初改

曰內史舍人置八人專掌詔誥正第六品上
 開皇三年加從第五品上煬帝三年減置四
 人十二年改曰尚書批旧唐志舍人皇朝改
 曰內史舍人武德三年改曰中書舍人龍朔
 咸亨光宅神龍開元並隨省改復
 中書舍人掌侍奉進奏參議表章凡詔旨制敕
 及璽書冊命皆按典故起太平御覽引六草進
 畫既下則署而行之其禁有四一曰漏泄二曰

替緩三日違失四曰妄誤按舊唐志妄當作忘所以重

王命也制敕既行有誤則奏而改正之凡大朝

會諸方起居則受其表狀而奏之國有大事若

大克捷及大祥瑞百僚表賀亦如之凡冊命大

臣于朝則使持節讀冊命之凡將帥有功及

有大賓客皆使以勞問之凡察天下冤滯與給

事中及御史三司鞫其事凡有司按舊唐志有當作百奏

議文武考課皆預裁焉

按今中書舍人給事中每年各一人監考內

外官使其其中書舍人在省以年深者為閣老

兼判本省雜事一人專掌畫謂之知制誥得

食政事之食餘但分署制敕六人分押尚書

六司凡有章表皆商量可否則與侍郎及令

連署而進奏其闕當填以畫事繁或以諸司

官兼者謂之兼制誥唐志兼下有知字

主書四人從七品上

周官天官有司書中士四人鄭注云主會計

周禮鄭注會計作計會

之簿書掌邦國六典以

以擬周禮以當作

八法九職蓋此主書之任也王道秀百官春

秋初晉中書置主書用武官宋文帝改用文

吏齊氏尚書置主書令史梁氏不置陳氏中

書置主書十人去令史之名後魏中書有主

書令史八人從第七品上北齊十人從八品

上天保中文宣躬親政事主書令史頗亦受

委並得奏事文宣曾立看主書令史題署嫌

其遲語云但主書何須復着令史二字也即

以去之至武成河清初左丞劾其輒改吏稱

皆云文宣口敕尋屬新令初須遂去令史之

字文宣之代雖曰委任用人猶輕至考昭武

成名引才學之士荀士遜李得林

得林作德樊考

廉為之頗曰清舉猶未有灼然子弟屈為此

職隋氏中書主書亦有令史字置十人正第

九品上用人益輕煬帝三年改減為四人皇朝因之流外入流累轉為之

主事四人從八品下

魏氏所置歷宋齊中書並置主事品並第八梁中書令史二人品第八陳氏及後魏北齊並不置隋初諸臺省並置主事令史皆正第九品上煬帝三年並去令史之名前代用人皆輕而隋氏雜用士人為之故顏懿楚文學

名家為內史主事尋罷士人皇朝並用流外入流累轉為之舊令從九品上開元二十四年敕進入八品

令史二十五人書令史五十人

魏置中書令史品第八晉氏品第九宋氏品第八齊中書令史品第六梁中書令史八人書令史十二人品皆第九陳氏中中疑當作有書吏不置令史後魏北齊中書並有令史自前

代以來令史皆有品秩至隋開皇初始降為
流外行署

右散騎常侍二人從三品

故事已詳於左省顯慶二年置龍朔二年改
為右侍極咸亨元年復故

右散騎常侍掌如左散騎常侍之職

右補闕二人從七品上

廢置已詳門下省左補闕注

右拾遺二人從八品上

已詳左拾遺注

右補闕拾遺掌如左補闕拾遺之職

起居舍人二人從六品上

起居舍人因起居注而名官焉古者人君言
則右史書之即其任也其設官沿革起居郎
注詳焉隋煬帝三年減內史舍人四員置起
居舍人二人從第六品上次內史舍人下始

以虞世南蔡允恭為之皇朝因之貞觀二年省顯慶二年又置龍朔二年改為右史咸亨元年復故天授元年又改為右史神龍元年復故

起居舍人掌修紀言之史錄天子之制誥德音如記事之制以紀時政之損益

自永徽以後起居唯得對仗承旨仗下之後謀議皆不得預聞長壽元年文昌左丞姚璹

知政事以為帝王謨訓不可遂無紀述若不宣自宰相史官無從得書遂表請仗下所言軍國政要即宰相一人專知撰錄號為時政記每月送史館自後因循錄付兩省起居使編錄焉

季終則授之於國史

通事舍人十六人從六品上

通事舍人即秦之謁者漢書百官表云謁者

掌賓贊受事員七十人秩比六百石有僕射

秩比千石舊儀云謁者有缺選郎中美鬚眉

大音者補後漢百官志和帝時陳羣宋志

郡何熙為謁者僕射贊拜殿中音動左右范

曄後漢百官志無此文疑是華後漢有常侍

謁者五人謁者三十五人二漢謁者臺並隸

光祿勳魏置謁者十人晉武帝省僕射以謁

者并蘭臺晉初置舍人通事各一人隸中書

晉令舍人通事兼謁者之任通事舍人之名

自此始也宋武帝置謁者僕射領謁者十八

人宋志并通齊因之梁置謁者十人亦隸

謁者臺陳亦有之後魏謁者從第五品中北

齊謁者三十人正第九品下隋初罷謁者官

置通事舍人十六人從六品上開皇三年增

舊為三隋志三十四員又置謁者臺改通

事舍人為通事謁者創置四方館於建國門

外隸鴻臚寺以待四方使者皇朝廢謁者臺
改謁者為通事舍人隸四方館屬中書省
通事舍人掌朝見引納及辭謝者於殿廷通奏
京官文武職事五品已上假使去皆奏辭來
皆奏見其六品已下奉敕差使亦如之外官
五品已上假使至京及經京過若新授及駕
行在三百里內過並聽辭見

凡近臣入侍文武就列則引以進退而告其拜

起出入之節凡四方通表華夷納貢皆受而進之
若有大詔令則承旨以宣示百寮

凡軍旅之出則受命慰勞而遣之既行則每月
存問將士之家以視其疾苦凱還則郊迓之皆
復命凡致仕之臣與邦之耆老時巡問亦如之
集賢殿書院

開元十三年舊唐志
三作二所置漢魏以來其職具
秘書省梁武帝於文德殿內列藏衆書北齊

有文林館學士後周有麟趾殿學士皆掌著述
舊唐志馮下有群字 於宮中其餘以寶秘書外閣煬帝於東都置
 觀文殿東西廂貯書自漢延熹至今皆秘書
 掌圖籍而禁中之書或時有焉及太宗在藩
 邸有秦府學士十八人其後崇文館弘文館
 皆有學士則天時亦有殊殊當作殊英學士皆其
 任也今上即位大收羣書以廣儒術洎開元

五年於乾元殿東廊下寫四部書以充內庫

闕 秘通典當填以仍字 令右散騎常侍褚無量秘書監

馬懷素總其事置判定官四人以一人判事
 其後因之六年駕幸東京七年於麗正殿安
 置為修書使褚馬既卒元行冲為使尋以張
 說代之八年置校理二十人十二年駕幸東
 都於命婦院安置十三年召學士張說等宴
 於集賢殿於是改名集賢殿修書所為集賢

殿書院五品已上為學士六品以下為直學
士以說為大學士知院事說累讓大字詔許
之其後更置修撰校理官只有待制官名其
來尚矣漢朱買臣待詔公車公車衛尉之屬
官掌天下之上書東方朔劉向王褒賈捐之
等待詔金馬門官秘史記官署門也今之待
制即其事焉

學士

五品以上為學士每以宰相為學士者知院
事初張說為中書令知院制曰唐志以右常
侍秘唐志徐堅副之自爾常以近密官為
副兼判院

直學士

六品以下為直學士並開元十三年置

侍講學士

開元初褚無量馬懷素侍講禁中為侍讀其

後康子元等為侍講學士

修撰官校理官

同直學士無常員以佗官兼之又有留院官

檢討官皆以學術舊唐志別敕留之

中使一人

自乾元殿寫書則置知出入宣傳進奏掌同

宮禁

孔目官一人

開元五年置

知書官八人

開元五年置漢劉歆總羣書而為七畧凡三萬三千九十卷遭王莽董卓之亂掃地皆盡魏氏採掇遺亡至晉總括羣書凡二萬九千九百四十五卷惠懷之後靡有孑遺東晉所存三千一十四卷至宋謝靈運造四部目錄凡批隋志凡下四千五百八十二卷其後王脫六萬二字

儉復造目錄凡萬五千七十

按隋志十當作百

四卷齊

王亮謝朓四部書目凡萬八千一十卷齊末

兵火延燒秘閣經籍煨燼梁

按隋志梁下有元字

帝克

平侯景收公私經籍歸于江陵凡七萬餘卷

周師入郢咸自焚之周武保定中書盈萬卷

平齊所得總至五千隋秘書監牛弘請分遣

使者搜訪異書平陳之後經籍漸備凡三萬

餘卷煬帝寫五十副本分為三品大唐平王

世克收其圖書沂河西上多有漂沒存者猶

八萬餘卷自是圖籍在秘書今秘書弘文史

館司經崇文皆有之集賢所寫皆御本也書

有四部一曰甲為經二曰乙為史三曰丙為

子四曰丁為集故分為四庫每庫二人知寫

書出納名目次序以備檢討焉四庫之書兩

京各二本共二萬五千九百六十一卷皆以

益州麻紙寫其京

京當作經

庫書鈿白牙軸黃帶

九唐六典 卷之九
紅牙籤史庫書鈿青牙軸縹帶綠牙籤子庫
書彫紫檀軸紫帶碧牙籤集庫書綠牙軸朱
帶白牙籤以為分別
書直及寫御書一百人

開元五年十二月敕於秘書省昭文館兼廣
召諸色能書者克皆親經御簡後又取前資
常選三衛散官五品以上子孫各有年限依
資甄叙至十九年敕有官為直院也

搨書手六人

乾元殿初置二人開元十四年奏加至六人
取人及有官同直院

畫直八人

開元七年敕緣修雜圖訪取二人八年又加
六人十九年院奏定為直院

裝書直十四人

開元六年置八人七年更加十人十九年八

月減四人

造筆直四人

開元六年置

典四人

開元五年置二人九年加二人

集賢院學士掌刊緝古今之經籍以辨明邦國之大典而備顧問應對凡天下圖書之遺逸賢才之隱滯則承旨而徵求焉其有籌策之可施

於時著述之可行於代者較其才藝考其學術而申表之凡承旨撰集文章校理經籍月終則進課于內歲終則考最于外

開元八年十月敕學士等入經三年已上為年深若校理精勤紕繆多心及不能詳覈無所發明委修書使錄奏別加褒貶

史館史官

周有太史小史內史外史而諸侯之國亦置

史官又春秋國語引周志及鄭書之說推尋
 事迹以通考以當作似通典并文獻當時記事各有職司
 其後陵夷史官放絕秦滅先王之典其制莫
 存至漢武始置太史命司馬談為之時天下
 計書先上太史副上丞相談乃據左氏國語
 代本戰國策楚漢春秋接其後事成一家之
 言談卒其子迂又為太史嗣成其事名曰史
 記迂卒後好事者若馮商劉歆揚雄等亦頗

著述漢末扶風班彪綴後傳數十篇彪卒其
 子固續成其志名曰漢書後漢明帝又召固
 入東觀與陳宗尹敏孟冀後漢書冀作異共成光武
 本紀其後劉珍劉毅劉陶伏無忌黃景等相
 次著述東觀所撰書謂之東觀漢記然皆佗
 官兼領史職至魏明帝太和中始置著作郎
 及佐郎隸中書省專掌國史至晉惠帝元康
 二年改隸秘書省歷宋齊梁陳後魏並置著

作隸秘書省北齊因之代亦謂之史閣亦謂
之史館史閣史館之名自此有也故北齊邢
子才作詩酬魏收冬夜直史館是也後周有
著作上士中士掌國史歷歷當春官府隋氏
曰著作曹掌國史隸秘書省皇朝曰著作局
貞觀初別置史館於禁中專掌國史以佗官
兼領或卑品有才亦以直館焉

史官掌修國史不虛美不隱惡直書其事凡天

地日月之祥山川封域之參昭穆繼代之序禮

樂師旅之事誅賞廢興之政皆本於起居注唐

志注下有以為實錄然後立編年之體為廢貶

焉既終則藏之于府

匭使院知匭使一人

垂拱元年置常以諫議大夫及補闕拾遺一
人為使專知受狀以達其事事或要者當時
處分餘出付中書及理匭使摠狀申奏理匭

使常以御史中丞及侍御史一人為之

知匭使掌申天下之冤滯以達萬人之情狀立匭之制一房四面各以方色東曰延恩懷材抱器希於聞達者投之南曰招諫匡正補過裨於政理者投之西曰申冤懷冤負屈無辜受刑者投之北曰通玄獻賦作頌諭以大道及涉於玄象者投之

初置有四門其制稍大難於往來後遂小其

制度同為一匭依方色辨之

其匭出以辰前入以未後

大唐六典中書省集賢院史館匭使卷第九

補考

佩水蒼玉輶車

通輶車上有乘字

○其敕書頒下諸州

用綰

王海引六典用綰下有貞觀中始用黃紙

縣並用黃紙

○王儉謂之曰天文乖忤此由四

戶

分注據太平御覽所引齊書南史呂文顯傳謂之作謂上此下有禍字

○後魏第

六品上

後魏志初從第六品上太和末

○梁中

書令史二人

隋志梁有中

○後魏謂者從第五

品中

後魏志太和末第九品下

